

ՍԻՆՕԴԻ ՕՐԱԳՐՆԵՐԻՑ ՔԱՂՈՒԱԾՆԵՐ

Թ. 27. Յունվարի 16-ին Սինոդը լսեց Աստրախանցի եղիսարէթ Մոլոդցովեանի անցեալ տարուայ Օգոստոսի 17-ի խնդիրը իւր ամուսնու՝ Պետրոս Մոլոդցովեանի գերեզմանի վրայ մահարձան կանգնեցնելու մասին, որոշեց. բացատրել Աստրախանի առաջնորդին, թէ ննջեցելոց գերեզմանների վրայ որ և է դամբարան կառուցանելն արգելուած է, եթէ միայն դամբարանում չլինի վէմ՝ քար կամ որոշ պատկերներ, ուստի և Մոլոդցովեանի գերեզմանի վերայ թող տալ կառուցանել նորա այրիի ցանկացած դամբարանը, եթէ վերջինս համապատասխանում է վերոյիշեալ պայմաններին:

Թ. 44. Յունվարի 23-ին Սինոդը որոշեց. թեմերից ուղարկուած տեղակազրերը՝ եկեղեցիների, վանքերի, դպրոցների, կուսակրօն և աշխարհական հոգևորականների մասին և եկեղեցիների ու վանքերի գոյքերի մասին, ուղարկել ըստ պատկանելեաց հետեւեալ կարգով. նախ՝ Բեսսարաբիայի և Աստրախանի թեմերի տեղեկազրերից մի մի օրինակ, Սինոդի վաւերացումով, ներկայացնել ներքին Գործերի նախարարութեանը, երկրորդ՝ Կովկասի չորս թեմերի տեղեկազրերից երկ-երկու օրինակ ներկայացնել Կովկասի փոխարքայի Դիւանատանը, երրորդ՝ բոլոր թեմերի տեղեկազրերի մնացած մի մի օրինակները, կոնսիստորիայի ստորագրութեամբ, տեղեկութեան համար կցել գործին, և չորրորդ՝ ազգարարել կոնսիստորիաներին, որ հոգ տանեն տեղեկազրերը այսուհետեւ լրիւ և ժամանակին հասցնելու:

Թ. 48. Յունվարի 23-ին Սինոդը լսեց Վաղաշապատում բացուելիք «Դաւթեան» Դիւղատնտեսական դպրոցի գործը, որոշեց. նախ՝ յատկացնել «Դաւթեան» Դիւղատնտեսական բաժանմունքին Ս. Շողակաթի վանքի Մայր Աթոռին պատկանող 22 դեսեսատին 1850 քառ. սաժ.

հողը ի շահեցողութիւն և թոյլ տալ Վաղարշատի հասարակութեանը յատկացնել նոյն Գիւղատնտեսական բաժանմունքին ի շահեցողութիւն այլ ևս մինչև 30 գետեատին հող Վաղարշապատի բնակիչների ձեռքին եղած շնչաբաժին հողերից. երկրորդ՝ թոյլ տալ Վաղարշապատի հասարակութեանը յատկացնել Շահ-Արխի իւր բաժին ջրից երեք քաշ ջուր նոյն Դաւթեան Գիւղատնտեսական բաժանմունքին և երրորդ՝ ընդունելով հանգուցեալ Եգոր Դաւթեանի ժառանգների առաջարկած պայմանները, դպրոցի հիմնարկութեան վերաբերմամբ, առաջարկել նոցա մտցնել ներկայացրած «նախագծի» մէջ այն կէտը, թէ ինչպէս Գիւղատնտեսական դպրոցի տարեկան նախահաշիւը, նոյնպէս և բաժանմունքի կառավարիչը պիտի հաստատուին Ամենայն Հայոց Հայրապետի կողմից:

Թ. 49. Յունվարի 25-ին Սինոդը լսեց Երևանի Կոնսիստորիայի 1911 թ. Օգոստոսի 25-ին № 6500 յայտարարութիւնը Երևանում՝ բնակւող հրէուհի Բասիա Սէլցէրին Հայ եկեղեցու ծոցը ընդունելու մասին, որոշեց. թոյլ տալ Երևանի Կոնսիստորիային ընդունել հրէուհի Բասիա Սէլցէրին Հայաստանեայց եկեղեցու ծոցը և մկրտել նորան մեր եկեղեցու ծխով, ճշտութեամբ պատարելով օրինաց XI հատ. 7 յօդ. յաւելումը կանոնների պահանջները:

Թ. 52. Յունվարի 25-ին Սինոդը լսեց Երևանի Կոնսիստորիայի 1911 թ. մայիսի 26-ի № 3800 յայտարարութիւնը Աղեքսանդրապոլի Հայոց Հոգևոր Կառավարութեան հաշուեմատեանների ստուգութեան մասին, որոշեց. կանոնաւոր համարելով Աղեքսանդրապոլի աթոռապատկան կալուածների վերաբերեալ հաշիւները 1909 և 1910 թ. թ. համար, վերադարձնել յիշեալ թուականների հաշուեմատեանները Աղեքսանդրապոլի Հոգևոր Կառավարութեանը և պատուիրել աւարտել ըստ հաշիւները Արղութեան դպրոցի Հոգաբարձութեան հետ և մանրամասն զննուցանել Սինոդիս:

Թ. 55. Յունվարի 25-ին Սինոդը լսեց Նորին Ամենապատուութեան Տ. Տեղակալի տարւոյս յունվարի 7-ի № 2245 առաջադրութիւնը, որով Նորին Ամենապատուութիւնը առաջադրում է ուղարկել Կ. Պոլսի Հայոց Մ. Աթոռի կողմից Աղգային Ս. Փրկչեան հիւանդանոցին, որոշեց, պատուիրել Մ. Աթոռի դանձապահին ուղարկել Կ. Պոլսոյ Տ. Պատրիարքի անունով 100 ոսրլի իբրեւ նպաստ Ս. Փրկչի աղգային հիւանդանոցին սոյն 1912 թ. համար:

Թ. 57. Յունվարի 25-ին Սինոդը լսեց այրի նատալիա Աղայեանի ամուսն 2-ի խնդիրը, իւր հանգուցեալ ամուսնու՝ Ղազարոս Աղայեանի կենսաթոշակի մասին, որոշեց, ի Տէր հանգուցեալ Մկրտիչ 1 կաթուղիկոսի կոնդակի իմաստի համաձայն կարճել հանգուցեալ Ղազարոս Աղայեանի կենսաթոշակի տուչութիւնը՝ նորա մահուան պատճառով, թողնելով առանց հետեանքի այրի նատալիա Աղայեանի խնդիրը:

Թ. 59. Յունվարի 27-ին Սինոդը լսեց Մ. Աթոռի միաբան Տ. Կոմիտաս վարդապետի 1911 թ. դեկտեմբերի 26-ի յայտարարութիւնը իւր միաբանական ռոճիկը կարճելու մասին, որոշեց, որովհետեւ 1910 թ. նոյեմբերի 1-ից սկսած արգէն Տ. Կոմիտաս վարդապետը միաբանական ռոճիկ չէ ստացել, ուստի այդ ժամանակուանից նրա ռոճիկը իւր խնդրի համաձայն կարճուած համարել, քանի որ դորանից յետոյ չէ վերադարձել Մայր Աթոռ և այդ մասին իւր իշխանութեանը ոչ մի տեղեկութիւն չէ տուել: Վճռիս մասին տեղեկութիւն տալ Կոմիտաս վարդապետին և Մայր Աթոռի դանձապահին: